

Jericho Diamond Uyagaghiukvikmin Iniktumik Tuyutiit Atanini Naitut

Unipkakhait

Havakham Naunaitkutiit

Ukuat Jericho Diamond Havakhamun hamanitut Kanganakmi Kungayukmi Contwoyto Lake Nunavunmilu nanminiitauk Tahera Diamond Havakviat. Uyagaghiukvikhak inikvikhakaktut 8 -ni ukiuni. Nunami kulani angmakhimayumik uyagaghiukniaktut hivulikpani talimani ukiuni, nunamun atanungaklutiktauk uyagaghiukniaktutauk kingulikpangini ukiuni havakhiktuhami havakhamun. Uyakat uyagaghiukhikniaktut April Desaipamun halumakhiklutiktauk ukiuni tamaini iglukpakyuahami nunamingni, kayumiktilakaklutik kanitumun 300,000 tonnes atauhikmi ukiumi. Uyakat ikakuuktuhatlu halumakhikhimaitut kimberlite uyagaghiukniaktait kulani nunamin, tapkuatauk uyakanuatlu halumakhiklutik iglukyuangini halumakhikvianitauk (PKCA).

Kavamatukut Inuligiyitikait Kanatami – Atugaghaitlu Munagiyutihaitlu

Havakhak ilanganitutlu Inuinaini Nunainilu munagiyaini titigaliutnikut ukuat Kitikmeot Inuit Havakvianin ilanganitunitauk Kulanituni Nunaini Kanatam munagiyaini titigaliutnikut ukuat Kavamatukut Inuligiyitikait Kanatami (INAC). Ukuat havakhigahuat angiktaukpata, INAC aivakatigiyutiginiaktait laisiliugutihainik atukuiniaktaitlu, atugaghainik nunahainik havakhamun kulanitumik nunahainik tapkuatauk Kanatamin Nunainin ilitkuhikaklutik nunahamunlu.

Titigakhimayuni uvani *Nunavutmi Imainilu Nunavutmilu Kulanituni Nunaini Ilitkuhiinik Pihimayutikaktuni Kablungungituni Maligaini*, INAC munaginiaktaitlu ihivgiuklugitlu munagilugitlu atugaghakaklutik imakut laisihainik tunivaukpata laisihainin Nunavunmin Imakut Katimayeenin.

Hilakyuakut Ihivgiugutaitlu Atugaghakaktukutlu Ihivgiugutiitlu

INAC audlaktiktait ihivgiugutihainik uktutainik Jericho Diamond Havakhamun tuyukhigumik audlaktiliamun Havakhamun Naunaitkutihainiklu laisihakut uktutihainiklu. INAC ihivgiukpaktan *Jericho Diamond Havakhamun Inikpiakhimayunik Hilakyuakut Mihigiyutainik Ukautainiklu* adlanik iliugakhiktunik naunaitkutainik havakvikhamlu. INAC ikatauvaktut tamaini hilakyuakut mihigiyutihaitikut ihivgiugutihainilu tuyukhutigitlu *Ayuitiaknikut Ihivgiugutainik ukununa Jericho Diamond Havakhamun* ukununga Nunavutmi Kanugilivalianikut Ilituhaiyuiplutik Katimayeet (NIRB) Novaipami 10, 2003. Pitkuyauyuhat tuyuktait ukununga Nunavutmi Kanugilivalianikut Ilituhaiyuiplutik Katimayeet ukautinaktait ukagiyutainik ukunaninak INAC -kut havakuiyutainik ukagiluakhugitauk kulanituniklu atani nunami hikuinik mihigiyutainiklu imakaiinakutlu nakuyutaitikutlu, inulikiutni ukagiyutainiklu.

Ukuat NIRB Havakhamun Naunaitkutihait audlalihat Julaimi 2004 –mi ukuatlu INAC ilitugiyutipkaktait Nunavutmi Imainun Nunami Katimayeenun (NWB) ukununa “Atugaghait Uktuktunun” Julaimi. Ukuat Atugaghat mak;pigaliukhiktut audlaliami Agasimi 2004. Tahera Diamond Havakviat tuyukpaktan kimakut laisihainik uktutihainik ukununga NWB -kunun inilikmat Agasi 2004. Upalungaiyaktiugit ukuat NWB -kut, INAC havaktingitlu ayuitiakhimayut nunamun havakhiktuhamun pulakatigivaktait Tahera -kut havakatingitlu. Septaipami 15, 2004 Ukuat NWB -kut tuyukpaktan uktutait adlanunlu tughikhutiklu ihivgiugutihainik uktutihamlu naunaiyakuiblugitlu atukniaktainik Atugaghainik. INAC tuyuktait nakuyumik ilitugiyutikalikhugit naunaiyautihainik uktutihainik Septaipami 21, 2004. Ukuat NWB -kut meetiutihanik meetikuiyutlu tuhayutikaktinatiklu meetikatigiyan INAC -kut Aktubami 28 – 29, 2004. Ukunani meetiutini, Ukuat NWB -kut tamainun angikatinun pikatikublugit naunaitkutihainunlu ihuahaikuiblugitlu ukagiyaувaktunik ihuahakhingitunik upalungaiyakublugitlu Inikpiakhimayumik Tuhayutikakniakmata. INAC havakatiit ayuitiakhimayutlu meetikatigiumayan Tahera -kununlu upalungaiyakuiblugitlu inivikhainik ilitugipkaiblugitlu ubluhanun Novaipami 12, 2004.

Havakhait Ihivgiugutihainik Imakut Laisihamingnik Uktutihainik

INAC -kut ihivgiugutainin ihumagiliktan ukua Inikpiakhimayunik Hilakyuakut Mihigiyutainik Ukautainik (Janualimi 2003), iliugakatauyunun naunaitkutihainunlu, ukununga Jericho Havakhamun; Ukuat NWB -kut Uktutait (Agasimi 2004) naunaikviitlu; naunaitkutaitlu tuniayuyutlu Ayuknaktulikiutni meetiutanilu inikvikhainunlu naunaitkutihainunlu ubluhanun Novaipami 12, 2004.

INAC -kut ihivgiugutait tautukluaktaitauk ukagiyaувaktait ukuat INAC -kut havakuiyutainin, ukualuakut: kulani nunamilu hikuitikutlu nunamitumi atanilu; Imaknik Nakuyutihainik nunami imakakvikaktuniklu; kimakniaktamingniklu utifagutihainiklu upalungaiyautihainiklu akiit manighagahuakniitlu.

Iliugakatauyugaluitlu ukunani NWB -kuni “Atugaghait Uktuktunun”, INAC ihivgiungitait akiliktahainik angigutainik (uvatuut, IIBA Tamainaitumik Upalungaiyautihainiklu) Uktukniaktununlu adlanunlu angikatiinunlu. INAC titigakpaktaitlu Uktuktum iliugaktaitlu havigalitunik mamaituhamik upalungaiyautikaktutlu unguvautigiyutihainik ammonia -niklu adlaniklu puisiknaktuniklu ukuat Imaknik Nakuyutihainik titigakhimayaini PKCA atugaghaini avatkuyutikakata imaknik laisihainik atugaghainik adlaniklu titigakhimayutikakatalunin. Kanugituhani #38 titigakhimayumi NIRB Naunaitkutait titigakhimayut Havigalingnitunik Nakungitunik Naimanaktunik Upalungaiyautihait tuyukhiktuhat ukununga NIRB, adlamik ukututikaklutiklu, ihivgiukhiktuhaniklu angikhiktuhaniklu. Talvuna, ukuat INAC iliugaikatigingitait Havigaliknituni Nakungitunik Naimanaktunik Upalungaiyautihainik ihivgiuligamiku imaknik laisihainik uktutihaini.

Ihumalutait naunaiyaktait INAC -kut havakhiktilutik EA audlalihaliktilutiklu havagahuaktamingnik naunaiyaktiutigitlu ukagiyaувaktutlu ighiinakhimaitumik havakniaktamingniklu tuyuktainin ukuat. Nutkakuuyutiit ihuigiyutikakmata INAC -kut ihuahaikuuyutait, iliugaikuuyut nakuyunik atugaghainiklu tuniyutihainik laisihainiklu pitkuyutikakhutiklu kanugituhainik atugaghainiklu tuyuklugitauk NWB -kunun ihumaliuktahainik.

INAC Pitkuyauyutait

Imalikiyutihaitlu Kulanitunik Nunami Munagiyutihaitlu

Munagiyutihainik nautianik ikakuuktuhanik nalunaktut ikakuuktuhat hadja ilitugiyutainamik ilitugiyutainamik naunaiyagiami. Talvuna, **imakni atugaghaini laisihat iliugakataukunginamiku Tahera havakvinun tuyukulugit hivulikami ukiumi havakhimaktitutik, naunaiyaklugit nautianik atulimaiktunik ikakuuktuhaniklu, kanuktutlu havakhikniakatlu, humungakhikniakatlu atugaghainiklu nunamun ilangaktigahuaklugitlu.**

Imaknik Nakuyutihainik

Kuviyutait nunami atukniaktamingnik avalituhait kuviyutainin PKCA -min PKCA. Humin kuviyutikakniakata kuvivikhainik titigakhingituhagaluait hadja nakuluangitunik naunaiyakluakhimainamik kuviyutihaitikut munagiyutihainik naunaiyautainamik hadja, kanuktut mihigiyutikakniakatlu mihigiyutihainiklu ihivgiugutikaktuhait munagiyami nakuyumik. Kuviviit kugluliukhimayunin imaiyautihainik havakvikhamun nutakiuktahagaluangit tuyuktinatik adlangutihainik uktutimingnik titigagiamingnik havakhimagutihainik munagiyutihaita naunaitkutihainik katitighiktunik adlangutikalikata tahami havakhiktitutik, uvunalu kugluliukhimayumun kuviviyutihainik munagiyutihainiklu, kugluliukhimayumik kuviyutihainik atugaghainiklu, mihigiyutihainiklu mihigiyutaininlu ihivgiugutihainiklu.

Tahera -kut naunaiyaktait atufagutihainikut ukunanga PKCA -min halumakhivikmun ihivgiukhiktuhait adlangutihainik atugaghainik atuktiliktinatigit nunahamik, tapkua atufaknihat ihumagiyaukmat “Nakukpiaktumik Munagiyutihait Atugiami””. Talvuna, **imakni laisihaita iliugakatauyuhagaluaitauk havakvikhamun titigakulutik titikainik inikat hivulikpak ukiuk havakviani naunaiyaklutigit atufagutihainik iliugakhikniakatalu, iliugakataunahuangitpatatauk, naunaiyaklutik atugaghamik huuk atufagutainiaktut munagiyutainiakhutiktauk talvani nunami atukniaktamingni.**

Tahera havakviat naunaiyaktan munagikpiakniaktait kugluliukhimayumin kuviniaktunik ikakuukhiktuhainik nunamun mihigiyutikakpalaktuhaunginamik, kihimi iliugaingitut kangihinaktumik munagiyutihainik ikakuuktuhamik imaknik kugluliukhimayunun kayumiktilanginik naunaiyakhimaitut. Talvuna **imakni laisihaita tuyukuyahait Tahera -kunun munagiyutihainik upalungaiyautihainik Imaknikut Katiyeenun ihivgiuktahainiklu anginagiakagumaktaitlu hivumi tuyuktahait 6 tatkihiutinik atuktinatik hivulikpakmik ikakuugutikaktinatik imakhanun kuviniaktunun ukunanga PKCA -kunun naunaiyaktahait kanuktut ikagutikakniakat kayumiktilahainiklu munagiyauniakat kayumiktilakaktuhaukmata ikitkianin 10:1 haniani akutivikmi hanianitumik Tahikyuaami C3.** Ukuat upalungaiyautihait munagiyutikaktuhaungitugaluit kugluhamun kuviyutihainik nunamun adlangutikakniakmatatauk Carat Tahiani ihivgiukhiknahuakata naunaiyakhilikata atugaghaita naunaiyakniakatigit kugluhamun kuviyutihainik kayumiktilanginik.

Tahera -kut uktutikaliktut imakut nutkautihainik munagiyutikakmata umayuitlu munagiyutikakmatalu kugluhamun kuviyutihainik ikakuuktuhat tapkunungaluak uyagaghiukvikhamunlu atanunlu nunahamunlu atikaktunun kimberlite

uvani Jericho nunainilu kuviniaktununu nunahamun havakhaini Jericho imakakvianun. INAC ihumagiyan atugaghaita nakugiblugit hivunihami atugumayaitalu havakvium nakuyutlu ihuagiblugitlu.

INAC -kut nakugiyait tamaita atugaghainik umayuitikut uktutaini kihimi atauhikmik ihuigiyyutikaktut havigalikmik atikaktumik (aluminum) kihimi pitkuyait havakfaktahainik uyagaghiukhiknikut havakhainik naunaiyagumaktait Tahera -kut ihumagiyaniklu atukniaktamingniklu umayuitikut atukniaktamingnik. Adlani pingahuni havagiyyutihaini atikaktut (cadmium, kannujakmik, ukualu uranium) munagiyyutikaktuhat tapkunanga ikaluinun nikainainunlunin mikanuanik umayuunik negivaktainik ikayuitlu titigakuyayutlu umayuitikut kanugiyyutihainik pitkuyutikakhutiklu naunaiyagiamingnik mihigiyyutihainik umayuunik imaknitpaktunik.

Naimanakhikyutihainiklu kuviyyutihaitikutlu atikaktunik siksini tahamanitunik (ammonia, nitrate, nitrite, chromium, zinc ukuningalu aluminum) naunaitkutikaktut naimanakpalagutikakhutiklu havigalikalakpakhutiklu angivalakhutiklu. Pitkuyayutiit tuyukhiktpaktut Katimayeehamun ihumaliugutihainik, ikakuukpalaknaitumik Jericho Kuglukhamun atugaghainun, munagiyyutikaktuhaumata kagaktitautihaniklu ikakuuktuhaumata ikitumik ikakuukuiyyutikakmatalu adjikuhugutikaklutiktauk adlanun diamon uyagaghiukvikni Ukiuktaktumi.

Nunami Kulani Uyagaghiugutihanik / Nunami Nanminiit/ Nunami atanitumi hikukaktuni

Nunaiyakhiktut, ukagiyauyauktut titigayautihaniklu hanajutihainiklu PKCA himikvikhainik ukuatut ittut imakmi. Havaktihak titigayuhanik tuyungituk Himigutihanik Imakmi. Kiuyait INAC okut tughiutainik Ayuknaktulikiutni Meetiutaini, Tahera -kut tuyuktait humiyyutihainik taman nunahainik ilitugiyyutikaliktut uyagaghiukvikhamik ihvgiugutimingnik, titigayautihanik atugaghainiklu titigayautihanik atukniaktainiklu havakhikniaktunik uyagaghiukvikhak atugaghainik atukuiyyutikakmatalu umiktinatiklu utifakniaktamingnik atugaghainiklu tutkumavikhainik hiuganguktunik PK -mik. INAC nakuyutiyutikaktut Havaktihak malauniaktait titigayautihanik upalungaiyautihanik.

Uvalu, atani titigakpaktait pitkuyayutihanik ukuat pitkuvaktait INAC -kut, ihuahakhiktuhatlunin iliugakhiktuhanilunin imakni laisikhainik ihuahailikata:

- Upalungaiyautihanik kuvivihainik kayumiktilakhainiklu hukukniakatalu uvani Wallikmi Umiutihainik Angmakatainagiahutiklu Imakmun kuvivikhainik ilitugiamingnik PKCA tahinuakakvingmihanik itiyutihainik kanuktut atugaghakakniakatalu inigutikaktuhaumata naitumik maliktukakpalakata nutkakvikhainiklu, kulani himikatakvikham imaknunlu kanuktutlu uktutilakaktuhat umikvikhainik imakniklu, tapkuningalu umikvikham nutkakvikhainiklu maliktukakatalu uktutilanginiklu kanugiyyutihainiklu.
- Ihvgiugutikaktuhat nakuyutihainik atukniaktamingnik PK uyagaghiukvigaluamun nunamik utifagutihanik inikata. Hiuganikpata PK -mik atikaktumik hailikilikata ikakuukpaktainin halumakhivianin uyagaghiukvianin.
- Ihvgiugutikaktuhat ahegutikaknakhangmata munagiyyutikaktuhat kuglunuami C3.

- Munagiyutihainik kuviyutainin nunamun ikakuuktuhanik kuviyutikalik hanianun Key Tahikyuumun immakmik kuvivianun.
- Iliugaiyutihainiklu munagiyutihainiklu unakutihainik inikata hilamituhami nunahainik ikakuukvikhani nunanik ilitugiyutikaklutik ikakuukvikhami atipkautainik nunami.
- Upalungaiyautihainik nakuyumik titigauyautihainik utifagutihainik nunamik inikata.
- Upalungaiyaktahait nunami nautialiukvikhamik upalungaiyautikaktuhat munagiyutihainik, iliugailutigat atupkaktainik uvani Ekati.
- Munagiyutihainik angmayumi nunami kulani uyagaghiukvikhami nakuyutihakakmata, atukuiyutikakmata NWB atugaghaini tiitgakhimayuni, ilatakataukmata uyagaghiuknikut munagiyutihainik naunaiyakhimayuhaukmata nunamituhanik iglukpakyuangitlunin havakhikniaktuniklu, kuglukhanun umikvikhainiklu angmainagiaktuniklu katakyuanunlu. Adjikutait makpigangit havakhikniaktut uyagaghiuknikut ihivgiugutait titigaghait tamainun ungmayumun nunami kulani uyagaghiukvikhamunlu atanilu nunamilu tuyuktahait titikangit to ukununga NWB -kunun ihivgiuktahainik.
- Upalungaiyautihat utifakniagutihainun upalungaiyautihainun naunaiyakhimayahait kanuktut ukumaikpalaknahagamiku pualgiyaktainin nunaniktiyutainin kanuktut utifagutikakniakat, munagiyutikakluaktuhat hukumik mahautihainiklu nunamik hiugangutainiklu pualgiyalikata nunamik amigaikvikhainiklu nautialiulikatalu.
- Umiktinatik ahaguktukakata ikakuuktuhanik ikakuukhiktuhait ikakuukvikhamun naunaiyagikhimayumun.

Ihivgiugutikut

Uyagaghiugutihaitlu tapkunungalu Imaknik Nakuyutihainik munagiyutihainik uktuktainik ukuat Tahera titigakhimayut Naunaikvikmi I (Ihivgiugutainin Naitumik Titigakhimayuni) ihumagiayuyut inikluakhimaitumiklunin nakungiluaktutlunin naunaiyakluakhimainamik ikakuuktuhaniklu imakutlunin nakuyutihainiklunin. **Ihivgiugutihait havakhat titigakhimayut Imakut Laisihaini titigakhimayuhait pitkuyutihainiklunin naunaiyautihainiklunin titigakhimayuni Ilanganitumi 5.4 uvani tuyutaini.**

Umiutikutlu Utifaknikut Nunamiklu A&R Naitut

- Uyagaghiukvikhamik hanajutihainiklu umiknahualikatalu upalungaiyautait titigakpaktait havakvikham nakugibludit angikhikpaktut. Ihuahakhimaitut ukagiyaavaktut – naunaiyakhimayutut Ilanganitumi 5 -- ukagiyauniaktut Atugaghainilu Kanugituhainilu Imakutni Laisihaini.
- Katitikhugit akikakniaktut utifagutihainik nunanik ukununga Jericho Diamond Uyagaghiukvikmin, umiktinatik ihivgiugutihainiklu, akikaktut \$8.6 million tallangukniaktut inikat hivulikpami ukiumilu kanugunagutikaklutiktauk atukiutikaklutik \$9.02 million tallaniklu inikatauk aipa ukium havakviani.
- Uvanitauk, umiknahualikata imakut munagiyutikagunaitut. Kihimi, nalunaktut kanugitahait uyagaghiukviknitunik uranium makitukakatalu, adlaniklu havigalinik atikaktunik kannujakmik. Pitkuyutikaktut naunaiyakhiktuhait iglukpakyuahamilu nunamilu ihivgiugutikaktuhat naunaiyakhikaklutik makpigakhanik haililikikata. Adlaniktauk, ihivgiugutinun naunaiyakatatauk makitukalikatalunin havigaliniklunin adlanik uyagaghiukataulikatalu, umiktinatik upalungaiyautihaitlu maniit pitkumatait akihaitlu ihivgiukhifaktuhatlu.

- Pitkuyutikakpiaktut ukununa akihainik ihivgiukhiktuhat 12 tatkihiutini audlakvianin havakham ukuat DIAND - kutlu nunamik nanminikaktuniklu kanugunagutikagumanginamik maniknik pitkumataitunik. Imakut Laisihaitlu nunakut akilikataktuhaniklu titigakhimayutikaktuhut ukiumi atauhikmi adlangutikaklutik utifagutihainun maniknik pitkumayutainun.
- Nutangukhikhimayumik A&R Plan tuyukhiktuhat Ukiumi 3 Imaknun Katimayeenun ihivgiugiamingnilu angiktamingnilu tuyuktauyuhut. Nutangukhiktut upalungaiyautihat iliugakhiktuhat adlangutihainik munagiyauyunik naunaitkutihainik katitikhiktunik talvanilu, iliugakhiktuhatlu nutangukhikhimayumik hivunihami kanuktut kayumikhiyutihainik uyagaghiukvikmi nunaniktifaniaktainiklu imakutlu nakuyutainik kuvilikatalu umigiikat uyagaghiukvikham.

